

餘干縣志卷之十

伎術列傳

宋司馬武子福應鄉土橋人本姓何隆興間以風鑑遊武昌會葬師司馬頭陀拜之為父得相地術龍穴砂水皆精造時稱小司馬里中趙七直閣欲葬父待武子以上賓禮囑曰吾得二地一在某墓一在某屋基上當以金若干縑帛馬疋為謝武子觀之曰不可請別圖之明日辭去或問之曰吾以術為人求富貴有德者驗否則不驗今直閣欲葬此二地有害於人是無德也恐富貴不

餘干縣志

卷之十

伎術列傳

驗故不敢為後為李梅章氏葬地富貴果驗

李天祐字祐伯孝誠鄉招賢人以道術咒符水救生死附童子言禍福元祐臨川何雲子疾延天祐至聞雲素不孝母即欲去之雲告留懇切天祐曰此子他日必不孝不必救也雲曰不忍其死曰不孝之子當忍其死雲悟首過為咒符水子疾愈由是雲養母至孝化及鄉里天曆中安樂鄉萬忠以子疾請咒附童子報曰汝家秤斗出入大小當絕嗣忠懼剖斗折衡以首童曰天怒汝極終當絕嗣汝雖三子止留一憎子送終後果然

左麟字國祥德化鄉左橋人少好學寶定時從謝枋得
麟得風鑑之術凡人貧賤富貴壽夭禍福言輒音中不
責報西隅趙孟濟少極貧見曰爾年三十當大富勿與
小人遊西隅謝俊美髭鬚好訟見曰爾獅子形鬚白多
事幸慎之不然有縲紲之憂過里之王寶曰汝急回當
溺水死後皆驗麟孤貧尚忠節與士大夫友無諛誕無
徼美或以術家待之則拂袖而去

論曰伎術之家俗以侔利而武子求之於德天祐鬼道
雲忠悔愆左麟不屑術家自待蓋亦有足取者小道可

吳州郡邑人生時母為所苦投諸白水河三日不死復養之遂名白水甫十一歲母死居墓側五年哭聲撼林木後游羅浮青城諸山得異人傳煉服術曹操召拜左奉駕郎不就遊終南山得篆文十六字曰孝哉吳州卓行異人以番而鳳致道之所遂遊番至餘干宿老嫗家知其為吳鳳剛遂結茅居之吳猛許遜張氤葛洪郭璞每歲過之猛以師事焉晉義熙戊申年百有七十諸徒送之南嶺而去

餘干縣志

卷之十

列傳

張氤洪崖鄉人有道術西晉時居洪崖山煉丹服食五百歲或云即果老好飲酒嘗賦詩云去歲無田種今年乏酒材從教花鳥笑佯醉卧樓臺後入豫章西山煉丹天寶末忽大霧尸解

白雲真人 在東隅崇道觀脩煉俗傳白日飛昇今稱其觀曰白雲福地或曰古人以壠為城白雲城者白雲壠人之壠也

左變建業清溪巷人齊梁間慕吳州吳鳳剛因徙居焉時人為作道院曰清溪觀年百有八歲卒

程者古聖峯二道人不知何名世傳翁安樂鄉人程習
泰鄉人學道甚猛宋南渡後歲旱二道人上峯嶺祈雨
五日不應遂裸體曬日中五日不應遂自絕食又不應
于是積薪厝火二道人坐其上焚死念佛口不絕聲雨
大澍數百里鄉人感之立祠峯嶺

鄒希衍鄒源人爲元明觀道士宋天聖間遇吳人張台符
授以丹術四十年不置枕席年九十而化爲辭口戊亥
重逢日乾坤透迥時幻身今已脫明日有丹梯後三年
有人見在西蜀又三年有道士寄書與冠服至元明觀

餘干縣志

卷之十

方外列傳

四

謝之書曰客歲辱相過也其徒驚訝開墓視之已尸解
曹晞明州人政新鄉黃葉寺僧有戒行世稱曹禪師梁天
監中自弋陽圭峯至黃葉結茅山中山有盤石晞坐石
上五十年歲旱有山下老嫗哭曰禾稿矣晞令嫗折樹
葉插田中明日水滿由是乞雨者日至

王菩提不知何代人或云卽王禪師也今萬春鄉仙居山
有其祠相傳菩提有神通能致晴雨化後里人祠祀之

歲旱禱雨多應

可什再興寺僧李梅人姓章頽然而長犀骨突起喉

一尺聲出壓萬人嘗病疥或請之治笑而不答元至元
間廬山李文煥與偕入朝世祖召見對稱旨授護法禪
師賜玉環袈裟歸妙果寺將圓寂預數日與衆別約日
踣跌而化茶毘時觀者萬人煙氣所至木葉土壤皆成
舍利

德振姓陳號玉崖古穴寺僧有禪學元至元間侍伏虎禪
師應詔入宮演經聲振御榻中外驚異明日召見上嘉
之問曰江南何寺最高答曰廬山天池寺賜號及袈裟
鉢盂等物住天池寺

餘干縣志

卷之十

寺外列傳

五

紹睿古大寺僧號思菴少敏受學時嘗讀佛書人問之曰
能言其心之嘗讀儒書人問之曰能言其氣及長倡頌
詩文援筆立就元延祐間隨師玉崖振至廬山臨川吳
澄見而異之後在南康團通演教海內叅學甚衆

大證號無印昌國寺文殊院僧元天曆間住信州寺峯至
元任明州雪竇凡五君名刹初叅圓通禪師既叅天
童岫禪師機語契合俱大器之後遂與曹洞之宗造詣
深密學者雲至有語錄若干行世其法子有曰雲曰

皆住名刹有聲

者明昌國寺僧也解吟詠與學士胡繼以友善儼然
西侍御遺欽僧書侍鄉臨其地見籬邊以木槿命欽僧
詩隨曰朱槿移栽古寺中老僧非是愛花紅朝開暮落
渾無恨要使人知色是空侍御賞之

論曰世所傳方外士多好事者神其說卽有如所云粟
誕而不信也故曰攻乎異端斯害豈不以爲非是而不
貴哉然昔之人而旣傳矣吾惡乎削諸抑又以吳册與
母之誠姑取其類附焉

韓成虹縣人有武畧從明太祖舉義率先戎陣屢策顯功
漢陳友諒圍南昌急上親征大戰番湖自戊子至庚寅三
勝之復一戰瀕危敵衆不退一時計無所出成進曰臣聞
古之人有殺身以成仁臣不敢辭也上遂賜成以所服龍
袍冠冕對敵衆投水中敵遂退後友諒敗死以成爲首功
贈安遠大將軍輕車都尉帳前總制親軍都指揮使司左
副指揮使高陽侯建忠臣祠於康郎山併祀死事者三十
六人成位第一有司歲時祭之成子觀有征伐功仕至都

餘干縣志

卷之十

忠臣列傳

七

督同知

宋貴當元季兵起仗劍來歸凡戰必身先士卒所向披靡
至是從征友諒大戰番湖貴與韓成叶謀卒與俱死贈安
遠大將軍輕車都尉京兆郡侯

王勝勇力絕人爲元帥府右副元帥屢立奇功至是戰死
番湖贈懷遠大將軍輕車都尉太原郡侯

陳兆先元將也先之子代父屯營方山上破方山營擒兆
先釋之用爲元帥從下南昌至是戰歿贈安遠大將軍輕
車都尉潁川郡侯

李信任秦淮翼元帥府右副元帥驍勇無敵從征友諒
沒於番湖贈懷遠大將軍輕車都尉隴西郡侯

金昶有膂力戰多克捷爲元帥府右副元帥至是戰於番
湖奮勇死敵贈懷遠大將軍輕車都尉下邳郡侯利尸流
都呂縣命卽其地立廟祠之

昌文貴驍勇絕人旣歸附屢建奇功從援南昌友諒解圍
東出番湖與我師遇文貴力戰死贈懷遠大將軍輕車都
尉汝南郡侯

李志高爲元帥府統軍元帥從大將軍征伐屢著勲績至
餘干縣志

卷之十

忠臣列傳

八

是與友諒戰沒於番湖贈懷遠大將軍輕車都尉隴西郡
侯

張志雄趙普勝故將善戰號長張友諒害普勝志雄爲友
諒將從犯龍灣志雄知天命右在遂降獻取安慶之策至
是戰死贈安遠大將軍輕車都尉清河郡侯

徐公輔以功授金斗翼元帥府右副元帥從征友諒接戰
番湖以死贈懷遠大將軍輕車都尉東海郡侯

劉義以功授水軍元帥府右副元帥至是番湖戰死贈懷
遠大將軍輕車都尉彭城郡侯

陳炳道元季兵亂擇所歸遂委身附上至是從援南昌戰死番湖贈懷遠大將軍輕車都尉潁川郡侯

丁普郎初為陳友諒將守小孤王師征友諒次小孤普郎逐峰乃用為將以功授樞密院同知至是戰死身被十餘

鎗首脫猶執兵若戰狀植立不仆贈輔國上將軍濟陽郡侯後進封公

程國勝休寧人以功授帳前總制親軍萬戶從援南昌大戰康郎山以死贈明威將軍上騎都尉安定郡伯

王咬住素剛毅聞上舉義率先來歸授中翼元帥府副使餘干縣志

卷之十

忠臣列傳

九

從援南昌大戰于番湖死之贈明威將軍上騎尉太原郡伯

姜潤長身多膂力以應募有功授管軍上千戶至是從討偽漢戰死番湖贈武節將軍驍騎尉定遠縣子

后明廬州梁縣人上起淮甸率先歸附累立戰功授管軍上千戶從援南昌戰死番湖贈武節將軍飛騎尉梁縣子

王德合肥人初為羣雄所得度無成乃脫身歸上授管軍上千戶至是與友諒戰番湖死之贈武節將軍驍騎尉合

肥縣子

惟德有勇力上招至幕下爲親軍屢著功績至是從討
陳友諒戰死番湖贈武德將軍驍騎尉懷遠縣子

邊德山汝陽縣人從征功多授管軍鎮撫及討漢大戰番
湖以死贈武節將軍驍騎尉汝陽縣子

汪清泗州盱眙人尙太原長公主始以親兵從上征討授
管軍百戶至是從征友諒大戰於康郎山清劾死戰後贈
武節將軍驍騎尉盱眙縣子卽位贈駙馬都尉官其二
子

朱鼎合肥人善馬稍授管軍上千戶從討友諒連戰五日

餘干縣志

卷之十

忠臣列傳

十

死之贈武節將軍驍騎尉合肥縣子

裴軫自歸附以功陞管軍上千戶至是從征友諒戰死番

湖贈武節將軍驍騎尉定遠縣子

王鳳顯爲管軍千戶從征多所克捷至是與友諒戰死番

湖贈武節將軍驍騎尉羅山縣子

王喜先任管軍千戶漢城之明年上念喜先戰死番湖贈

武節將軍驍騎尉定遠縣子

陳冲任管軍千戶從援南昌與友諒遇于番湖力戰而死

贈武節將軍驍騎尉巢縣子

汪澤任管軍千戶從討陳友諒戰死番湖贈武節將軍
騎尉定遠縣子

丁宇含山人以功授管軍千戶從討友諒於番湖戰死贈
武節將軍驍騎尉含山縣子

袁華從和州渡江擢管軍右副千戶番湖之戰死之贈武
毅將軍飛騎尉虹縣男

鄭興任雲騎後都尉從援南昌與友諒戰死康郎山贈武
毅將軍飛騎尉隨縣男

曹信勇敢善騎射初從渡江以功授管軍鎮撫從征友諒
餘干縣志

卷之十

忠臣列傳

十一

戰死番湖贈武德將軍飛騎尉含山縣男

史德勝從定金陵屢樹戰功授管軍千戶從援南昌與友
諒戰死番湖贈武毅將軍飛騎尉定遠縣男

翟世榮鷲勇冠人從渡江以功陞雲騎後都尉至是從征
友諒大戰番陽湖死于水贈武毅將軍飛騎尉隨縣男

常德勝壽春縣人從渡江取金陵屢立戰功授管軍右副
千戶番湖之戰中槩死贈武毅將軍飛騎尉壽春縣男

王理從渡江以功任管軍左副千戶陳友諒退保鞋山我
師出湖口理與諸將酣戰連日遂死贈武毅將軍飛騎尉

五河縣男

王仁趨勇善射上駐兵和州仁隸帳下以功授管軍千戶
從征友諒戰死於番湖之康郎山贈武毅將軍飛騎尉舒
城縣男

論曰鄭端簡不爲高陽侯立傳豈遷固不傳紕信之意
哉方瀕危時諸將計無所出非成以死給定邊幾不免
功孰偉焉其後三十五人相繼死事開天奇功與日月
爭光而今之過彭蠡而興慨者莫不謂其血食無窮宜
也成第一普郎以功公權衡則然歟

正德二年有潘泰者自劄監附逆瑾來知餘十政橫民不堪命萬春鄉余乾七與其黨朱顯一王浩八胡浩二梅祿一翁享四等入姚源谷中相聚為盜初未恣有屠人戴庚九者捕殺賊黨吳珏六已而乾七報仇殺庚九民間之恐以告泰泰不禁乾七等益無憚饑寒無賴者爭從之數月眾至萬人四年副使吳一貫遣百戶鄭鑑捕盜古埠遇害賊猶懼投降一貫殺降賊百人又以窵兵三千人襲姚源賊覺扼其險無得脫者生員桂秀率子弟鄉民與賊戰于

餘干縣志

卷之十

平姚源傳

十三

回跋大敗父子及門生俞相俱死又撫州盜起西鄉賊張馬七起二塘甚驚五年春僉事張吳見東西賊相峙方謀招東賊以誅西賊冬都御史王哲鎮守太監王嵩檄吳營餘千古埠叅政董朴營樂平珠田叅議居達營安在吳山約日進兵攻姚源吳進畚塘賊兩衝營敗去朴約吳進梁山朴麾下千戶姜金遇賊奔還營兵潰自相蹂踐死傷無數吳被執砍其面其僕衛之曰吾主張僉事也賊殺僕釋吳千戶李俊戰死軍民官高珏史文耀蘇大觀等俱死鄉官典史吳祚與賊遇梁家坂斬賊十三人身二十七餘獲

無完膚死義兵頭目孫秀葉奇十等死者六十人各罷兵
狀聞起復尙書陳金爲都御史調兩廣總兵張勇將田鎮
二府上官岑塗岑猛率狼兵先討撫州賊次討姚源七年
四月至餘千金以布政任漢參政吳廷舉僉事李嘉言統
之賊據山立寨狼兵以飛鎗弩箭向之勢如破竹賊絕食
三日金喜計賊頃刻受擒賊毛坎略說上官賊夜遁出
金乃倡招撫立縣之議於是立萬年縣語具沿革志中八
年王浩入復襲執參政吳廷舉數月乃出復勅都御史俞
諫討賊八月賊陷萬年縣殺副使李情通判陳達秦碧等
餘千縣志

卷之十


平姚源傳

十四

十二月調大同參將桂勇總兵劉輝遊擊賈鑑浙江參將
李隆湖廣都指揮陳表福建參政王子言副使湯沐各領
所部兵討賊賈鑑善騎射直抵賊壘吳廷舉以計誘翁亨
四擒縛王浩八由是蔡六一劉昌三胡浩二等俱就擒餘
黨始聽招金以賊平聞定萬年版籍桂秀有司以禮葬東
吳祚加承德郎蔭一子噫數起一夫禍流生靈潘奈之
與同常刑所不赦三餘民至今猶傲虐恨猶未消也

論曰姚源之亂率罪潘奈然非瑾得賂奈無由肆其虐
非天子向瑾瑾無由擅其威奈恃瑾諸大僚因瑾以死

秦視生人塗炭無告以至斯極也哀哉夫三餘尚氣好
聞自秦漢以來益有然矣為長吏者誠以時撫彙之化
其凌競于以安和亂亦何自而生歟



平姚原傳

十五

